



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU HRVATSKE NARODNE ZAJEDNICE

Broj: 03-07-6-432/11
Sarajevo, 17.01. 2012. godine

SADRŽAJ

1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske narodne zajednice za 2010. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda, odnosno kontrole godišnjeg finansijskog izvještaja utvrđeno je da je Hrvatska narodna zajednica prekršila odredbe člana 11. stav (1) i (3) Zakona o finansiranju političkih stranaka jer ne vodi adekvatne evidencije o svojim rashodima, finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

Pregledom, odnosno kontrolom godišnjeg finansijskog izvještaja, nismo zapazili ništa značajno, osim gornjih napomena, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske narodne zajednice za 2010. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

U godišnjem finansijskom izvještaju Hrvatska narodna zajednica iskazala je prihode u ukupnom iznosu 122.442,00 KM, što se vidi iz sljedeće tabele:

Red. br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	6,00	0,05 %
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	122.436,00	99,95 %
	Ukupni prihodi:	122.442,00	100,00 %

U godišnjem finansijskom izvještaju Hrvatska narodna zajednica iskazala je rashode u ukupnom iznosu 88.582,88 KM.

2. PREDSTAVLJANJE POLITIČKE STRANKE

Naziv političke stranke: Hrvatska narodna zajednica. Skraćeni naziv stranke je HNZ.

Hrvatska narodna zajednica je dana 05.09.1998. godine registrovana u Kantonalnom sudu u Sarajevu pod brojem RI-6/98.

Sjedište političke stranke je u Sarajevu, ulica Titova 9a.

Za zastupanje stranke ovlašten je prof.dr. Milenko Brkić, predsjednik.

Lice ovlašteno za podnošenje finansijskih izvještaja za 2010. godinu je Bernarda Nosse.

Prema podacima iz godišnjeg finansijskog izvještaja za 2010. godinu, Hrvatska narodna zajednica ima sljedeće organizacione dijelove:

- Središnjica HNZ Sarajevo,
- 2 kantonalna odbora,
- 2 gradska odbora,
- 5 općinska odbora, i
- Mladež HNZ Travnik

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske narodne zajednice za 2010. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Hrvatska narodna zajednica u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske narodne zajednice obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta,

4. PRETHODNE KONTROLE I REVIZIJE

U prethodnom periodu izvršen je pregled godišnjih finansijskih izvještaja Hrvatske narodne zajednice za 2005., 2006., 2008. i 2009. godinu, nakon kojih su izdati izvještaji o pregledu sa nalazima, mišljenjem revizora i preporukama revizije. Takođe, Služba za reviziju je obavila reviziju godišnjeg finansijskog izvještaja Hrvatske narodne zajednice za 2007. godinu. Nakon obavljenih pregleda, odnosno revizije finansijskih izvještaja Hrvatske narodne zajednice, izdati su izvještaji sa mišljenjem i preporukama revizora da stranka treba da postupa u skladu sa odredbama člana 3. stav (1), člana 8. stav (1) i člana 11. stav (1) i stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

Nerealizovane preporuke

Na osnovu uočenih nedostataka u godišnjem finansijskom izvještaju za 2010. godinu, utvrđeno je da politička stranka i dalje krši odredbe člana 11. stav (1) i (3) Zakona o finansiranju političkih stranaka.

5. NALAZI I PREPORUKE

5.1. NALAZI

Pregledom godišnjeg finansijskog izvještaja utvrđeno je da je stranka prekršila odredbe člana 11. stav (1) i (3) Zakona o finansiranju političkih stranaka.¹

Kontrolom finansijskog izvještaja i poslovnih knjiga utvrđeno je da ova politička stranka nije uspostavila potpune i adekvatne evidencije o rashodima političke stranke, te nije postupila u skladu sa odredbama člana 11. stav (1) Zakona o finansiranju političkih stranaka.

¹ Do 31.03. naredne godine političke partije podnose finansijski izvještaju formi koju odobri Centralna izborna komisija BiH. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma i način i drugi detalji izvještavanja.

- U poslovnim knjigama, a takođe i na obrascu 4-1 godišnjeg finansijskog izvještaja (režijsko-administrativni troškovi), Hrvatska narodna zajednica je troškove u iznosu od 20.400,00 KM iskazala kao ugovore o dijelu. Stranka je u skladu sa odredbama člana 11. stav (1) Zakona o finansiranju političkih stranaka bila obavezna izvršiti klasifikaciju troškova po osnovu usluga koje su stranci izvršene po ugovorima o dijelu. U skladu sa odredbama člana 11. stav (3) Zakona o finansiranju političkih stranaka i odredbama člana 21. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06), politička stranka je bila obavezna da u finansijskom izvještaju troškove iskaže po vrstama troška, a ne prema načinu na koji je usluga izvršena.
- Na osnovu obavljene kontrole godišnjeg finansijskog izvještaja utvrđeno je da na obrascu 4-1 finansijskog izvještaja (Režijsko-administrativni i ostali troškovi), stranka nije iskazala troškove zakupnine za poslovne prostorije koje koriste pojedinačno organizacioni dijelovi (Središnjica stranke, Gradski odbor Mostar i Banja Luka i općinski odbor Čitluk. Naime, stranka na obrascu 4-1 nije iskazala trošak zakupa raspoređen po odborima, nego je iskazala trošak zakupa kao trošak Središnjice HNZ-a u iznosu od 11.308,80 KM, što je suprotno odredbama člana 21. Pravilnika o godišnjim finansijskim izvještajima političkih stranaka².

5.2. PREPORUKE

Preporučuje se Hrvatskoj narodnoj zajednici da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav (1) i stav (3) Zakona o finansiranju političkih stranaka, odnosno da vodi evidencije o svojim rashodima i da finansijske izvještaje popunjava na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, Hrvatska narodna zajednica nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2010. godinu, koji je dostavljen stranci 09.12.2011. godine.

Mr. Hasida Gušić, šef Službe za reviziju

Nevenko Andan, revizor

² U skladu sa članom 21. Pravilnika o godišnjim finansijskim izvještajima političkih stranaka u obrazac 4-1 – Režijsko-administrativni i ostali troškovi, unose se svi troškovi osim troškova propagande, i sljedeći podaci: naziv organizacionog dijela političke stranke, vrsta troška, konto i iznos.